


SENIOR CERTIFICATE EXAMINATION
SENIORSERTIFIKAAT-EKSAMEN



OCTOBER / NOVEMBER
OKTOBER / NOVEMBER

2004

SETSWANA PUO YA NTLHA
SEEMOGODIMO

Pampiri ya Bobedi

HG

117-1/2

9 pages

SETSWANA FIRST LANG HG: Paper 2



117 1 2

HG

COPYRIGHT RESERVED / KOPIEREG VOORBEHOU
APPROVED BY UMALUSI / GOEDGEKEUR DEUR UMALUSI



LEFAPHA LA THUTO LA GAUTENG
TLHATLHOBO YA MAKGAOLAKGANG

SETSWANA PUO YA NTLHA
SEEMOGODIMO
(Pampiri ya Bobedi)

NAKO: diura tse 3

MADUO: 100

DITAELO:

- Pampiri e, e arotswe ka dikarolo tse tharo A, B, le C.
- Potso 1 e arabiwa ke baithuti botlhe.
- Mo go Potso 2 go dinopolo tse nne tse o di filweng, araba tse PEDI fela.
- Fa o araba tlhamo mo go Karolo B o tshwanetse go araba dipotso tse dikhutshwane mo go karolo C.
- Fa o araba dipotso tse dikhutshwane mo go karolo B, o tshwanetse go araba ya tlhamo mo karolong ya C.

**KAROLO YA A
MABOKO**

POTSO 1

Baithuti botlhe ba tshwanetse go araba potso e.

Letsatsi leno ke tsatsi le legolo	
Re ja ngwana, rotlhe re tletse boipelo	
Ga go motho o setseng kwa morago,	3
Go ntshitswe tse di kwa tlase ga makase.	
Bogolo, banana le bana re magasigasi	
Makau a tla tlhola tlhogo di eme	6
Makgarebe a a taga a iphotlile.	
Maipelo a Puo – R.D. Molefe	

- 1.1 Neela ponagalo ya poko mo mola 1 le 2. (2)
- 1.2 Fa go jewa ngwana ke fa go diragalang? (2)
- 1.3 Ke eng tse di ntshitsweng kwa tlase ga makase? (2)
- 1.4 Tlhalosa "re magasigasi? (2)
- 1.5 Makau a tla tlhola a emisitswe tlhogo ke eng? (2)

[10]

POTSO 2

Selelo sa Mooki – C.D. Mogotsi

Go dipotso tse NNE mo potsong e, fela o tshwanetse go araba dipotso di le PEDI fela.

2.1 Buisa temana e e latelang mme morago o arabe dipotso tse di latelang:

Mosimane, o tlhoka eng Go tsogela losika lwa me kgatlhanong? Puo ya gago nka e tlhaloganya Fa o ka e lobalatsa.	3
Maabane le tlhabile O akga setengwane, O gopotse sika lwa me, Mme wa metsametsa mathe.	6
Nna setengwane le seditse Ke a di ila; Ke Sefapaano Morena A kile a se rwala.	9 12
Ke tswa go selela banake, Ka dumaduma pina, Ka ba ja mpa go phanya, Ya fetoga modutwane.	15
Sentlhageng ba tsurame Melongwana e atlhama-atlhama Ka bosetlhanyana, Ba letile go gatisa mala.	18

- 2.1.1 Neela ponagalo ya poko mo mola 1 le 2. (2)
- 2.1.2 Tlhalosa mafoko a a latelang:
- (a) Go tsogela kgatlhanong (2)
- (b) Go gatisa mala (2)
- 2.1.3 Neela dilo tse PEDI tseo nonyane e di ilang. (2)
- 2.1.4 Neela lebaka la nonyane go ila dilo tse di kailweng mo go 2.1.3. (2)
- 2.1.5 Neela sekapuo mo mola 11. (2)
- 2.1.6 Pogisego ya nonyane e tshwantshanngwa le ya ga mang mo Beibeleng? (2)
- 2.1.7 Neela le lengwe la mafelo a nonyane e se nang botshabelo mo go ona. (1)

[15]

2.2 Buisa temana e e latelang, mme morago o arabe dipotso tse di e latelang:

Morongwe ke mongwe wa balatlha-loleme, Lentlhwane le sena go tswa mo iso, a tlola ka phatsa, Meretiwe e mo farafarele, leino le lela. Leba fela jaaka a fufutse, ngwana wa batho, O ja a jele tlholo!	3
Mokai le ene ke yole, o ntshitse matlho ka logora, Dinama, motho wa batho, o ntse a di tloetsa ba sa mmone. Bona fela jaaka motsalae, Serobale, a mo eme nokeng. Leba, ba itsa mpa tsa bone bo kgora. Ruri, banna ba, ga ba je ba a olela.	6
	9

- 2.2.1 Neela setlhogo sa leboko le? (1)
- 2.2.2 Ke leboko la mofuta ofe? (1)
- 2.2.3 Motho yo a tsaimaisang dikgang o bidiwa eng mo lebokong le? (2)
- 2.2.4 Go bonagala fa moanelwa a ja ka tlhoafalo, o bona ka eng? (2)
- 2.2.5 Ke bomang magodu mo lebokong le? (2)
- 2.2.6 Neela sekapuo mo moleng wa 3. (1)
- 2.2.7 Tlhalosa **go ja o jela tlholo!** (1)
- 2.2.8 Neela sekapuo mo moleng wa 10. (1)
- 2.2.9 Go ema motho nokeng ke go dira eng? (1)
- 2.2.10 Tlhalosa mafoko a a latelang
- (a) iso (1)
- (b) logora (1)
- (c) farafere (1)

[15]

2.3 Buisa ditemana tse di latelang, mme morago o arabe dipotso tse di latelang:

Tsa lefatshe leno ke diitse sentle, Le ka matlho ga ke rate go di bona. Bosigo o robala pelo e tletse diolo tsa dikakanyo, Dingwe tsa tsone di go opise tlhogo, Diphateng di itire meedi e menana,	5
Lefatshe jaanong o bone le kgaba; Notshe le serurubele o bone di fofa; Thaga le serobe di arabana ka dikopelo, Mme lefatshe lotlhe le tletse pako le boitumelo.	10
Kwa dithabeng bannana, botshwene, ba a ronoka; Tswina e dutla diatleng tsa bone tse di leswe, Legofi le bo le tswa boroko, tshwenyana e, e iphatlha ka lefofa. Selelo se kupe botlhoko o e totela. Tsatsing leo, le nna ka raga phatšane ka tloga; Megatla ya tsone e le kgokgorotswana, di tlogile.	15
Basimane ba hutile mothama wa seako sa mabele; Ke tsele, mosimane o bogola a bo a ema ka maoto a morago, Rotwe a tle kwa morago a ngunanguna. Malatsi ao a ntloedile fela ke sa a bona, A fetile fela a sa ntherisa, A otlhile thapo, a ikela ga soke, Mme a re tlogela re tsutsubane. Ngwana a ka go botsa motlhala o, O tlhoka le ke go tla ka karabo e lobaletse, O tshaba le ke go kaya tse di lo diragaletseng Gonne di sa itsheka sentle mo kgopolong. Botsofe, o mpogisetsang ke sa rate go tsofala?	20

- 2.3.1 Neela maikutlo a mooki. (2)
- 2.3.2 Neela di le PEDI tse mooki a reng lefatshe le kgaba ka tsona. (2)
- 2.3.3 Neela sekapuo se se dirisitsweng mo meleng 10 le 11. (2)
- 2.3.4 Tlhalosa mafoko a a latelang:
- (a) Diolo (mola 3) (2)
- (b) Meedi (mola 5) (2)
- (c) Kupe (mola 13) (2)
- 2.3.5 Ke ponagalo efe ya poko mo mola 23 le 24? (2)
- 2.3.6 Mooki o tlodilwe ke malatsi afe? (1)

[15]

2.4 Buisa ditemana tse di latelang, mme morago o arabe dipotso tse di latelang:

O bobebe fa o feta, mme ga o boele morago, Ntswa gone o le bobebe go fitlhisana molaetsa Kana o ka retelelwa keng o le mogale? Le nna nkgopole setilong seo sa gago.	4
Ke mokgarakgatshegi fatsheng leno, Ke golegilwe mabapi le go go itse Boitumelo jwa motho a kile a bona lesedi, bonnye; Gonne malatsi ano sephiri ga se tlhole se tlotlwa Motlha, ema ka ditlhabano tsa gago; Mphetolele maikutlo a motho wa gago, Boa o tsenye lorato mo bathong; Tshuba lesedi la kutlwisiso mo go bone.	8 12

- 2.4.1 Neela sekapuo se se renang mo ditemeng tse di fa godimo. (2)
- 2.4.2 Neela leina la ponagalo ya poko e e tlhagelelang mo mola 5 o be o e nopole. (2)
- 2.4.3 Ke eng fa mooki a re maikutlo a motho a fetolwe? (2)
- 2.4.4 Neela ka leina la ponagalo ya poko mo moleng wa 9 le 10. (2)
- 2.4.5 Ke maikutlo afe a mmoki a re senolelang ona mo lebokong le? (2)
- 2.4.6 Tlhalosa **Ke mokgarakgatshegi 'fatsheng leno** (2)
- 2.4.7 Mooki o kgarakgatshiwa ke eng? (2)
- 2.4.8 Mooki o kopa eng gore se mo emele? (1)
- [15]**

KAROLO YA B TERAMA

Fa o araba 3.1 mo go karolo B o tshwanetse go araba 4.2 mo go karolo C. Fa o araba 3.2 mo go karolo B, o tshwanetse go araba 4.1 mo go karolo C.

POTSO 3

Dintshontsho tsa lorato – L.D. Raditladi

3.1 Buisa temana e e latelang, mme o itse go araba dipotso tse di e latelang:

Sebui A	:	Mma. sala fa ke sa nanogile; Ke ya go batla ngaka ya rona Go tla go re direla molemo, Go tla go re phekola mathateng.
---------	---	--

Sebui B : Taboga thata, rra, eo ke puo!
Tlhoma diphuka mo maotong a gago!

Sebui A : Itshoke, mosadi wa me, re tla kopana,
(O a tswa).

Sebui B : (Kwa thoko):
Nakana tsoorra a di tla ntatlha?
Le medi e mentsho ya leswalo
La ngaka ya rona a e tla ntatlha?
Ke kile ka bo ke lepa dilo,
Ke lepa le dinaledi tota,
Ke tsoge ke bolelela batho
Fa tshelo jwa rona bo le thata
Ka ntata ya go tlhoka meratho.
Ngaka goroga re tle re tshege,
Melemo ya gago e tle e dirwe,
Kalafi a tshabe jaaka phage,
Botshelo jwa gwe bo tle bo sirwe!
Le legadima le tla tsekama,
Le legodimo le tla ntshofala
Fa ngaka e ka dira ga lolama,
Bannana ba kabamela tsela.
(O a tswa).

- 3.1.1 Mafoko a mela 1 – 4 a ne a buiwa ke mang? (2)
- 3.1.2 O ne a bua le mang? (2)
- 3.1.3 Ke mathata afe a go buiwang ka ona mo mola 4. (2)
- 3.1.4 Mathata a bakilwe ke eng? Tlhalosa ka bokhutshwane (4)
- 3.1.5 Dibui tseo di bua di le kwa kae? (2)
- 3.1.6 Ngaka e ne e batlelwa eng? (2)
- 3.1.7 A ngaka e ile ya atlega? (2)
- 3.1.8 Tshegetsa karabo ya 3.1.7 ka mabaka a a utlwalang go tswa mo terameng e (4)
- 3.1.9 Kalafi yo o batliwang o ne a le kae? (2)
- 3.1.10 O ne a na le mang koo? (2)

- 3.1.11 Botsalano jwa bona bo simolotse jang? Tlhalosa (2)
- 3.1.12 Neela leina la kgosi ya Bangwato. (2)
- 3.1.13 Terama e, ke ya mofuta ofe (2)
- [30]**

KGOTSA

- 3.2 Terama eno e tlogela babuisi ka dipotso tse di tlhokang dikarabo. Tlhagisa ditiragalo tseo, o bo o tshegetse tiragalo nngwe le nngwe ka tlhaloso e e nang le mooko. (2)
- [30]**

KAROLO YA C PADI

POTSO 4

Masaikategang a Magodimo – J.M.K. Mekgwe

- 4.1 Buisa temana ke eo, mme morago o arabe dipotso tse di e latelang:

Ya re fa e kete e leba bodigelo, thero ya nna, "Ke itsile gore motlha mongwe o tla bo o bua matlakala a. Ke itsile. Gonne o itse fa ya gago, tema o e weditse, o itse fa ke tsile go nna sekatana seo o tla agang o phimola makgome mangwe le mangwe ka sona. Ke one maikaelelo a maferefetshana a go tshwana nao jaana. Go jesetsa makgarebe kgobedung, e tswe Mmopi o reboletse mongwe le mongwe bokgabale go itumela ka jona mo malatsing a botshelo jwa gagwe. E re motho a sena go nna a go usa dikgara gangwe le gape, a go phuaganye jaaka go tle go dirwe ka sekatana! E ka re ba gaeno ba tlhotse ba le fa, ya nna wena gape o buang ditlhotlha tse? Gope!

- 4.1.1 Anela ka thero e go buiwang ka yona mo nopolong. (4)
- 4.1.2 Ke mang yo o neng a rera? (1)
- 4.1.3 O ne a rerela mang? (1)
- 4.1.4 Ke tema efe e e weditsweng jaaka mmui a bua? (2)

- 4.1.5 Tlhalosa ka bokhutshwane, ka mafoko a gago se se bakileng komano e kanakana. (4)
- 4.1.6 Neela mabaka a MABEDI kgotsa se mmuisiwa a re se mo pateletsa go ya go dira gosele. (4)
- 4.1.7 A mmuisiwa o ne a bua nnete? Tshegetsa karabo ya gago ka lebaka. (2)
- 4.1.8 Tlhalosa **go jesetsa kgobedung**. (2)
- 4.1.9 Tse tsotlhe di ne di diragala ka letsatsi lefe la beke? (2)
- 4.1.10 Ke eng fa mmui a re mmuisiwa ke leferefetshana? (2)
- 4.1.11 Mmui ke morwadia mang? (1)
- 4.1.12 Go ne go tlhotse go diragala eng kwa gaabo mmui? (2)
- 4.1.13 Go ya ka karabo ya gago mo go 4.1.12 seo se diragetse morago ga nako e kae? (2)
- 4.1.14 Feleletsa seane se se latelang se e leng setlhogo sa padi ya rona: "Masaikategang a Magodimo ...". (1)

[30]

KGOTSA

- 4.2 E kete ditiragalo tsa padi di simolola kwa Nkaikela ka Lamatlhatso. Anela ka ga ditiragalo tseo go fitlha Khuduga jaaka moanelwamogolo a dira kwa Mmakamogale; o sa lebale mabaka a a tiholang ditiragalo tseo.

[30]